

宋

會

要

金唐文

宋會要

環衛

孝宗隆興二年四月二十六日上諭宰執曰環衛官欲
參酌祖宗選用將帥以崇武節外建方鎮內列環戶品
式備具近來環衛久不除授非所以儲材而均任也可
依舊制應以材略聞堪任將帥及久勤軍事暫歸休佚
之人並為環衛官更不換授止令兼領如節度使則領
左右金吾衛上
將軍承宣使即領左右衛上將軍之類並依舊令其朝參職事俸給人從並令
有司日下條具先是宰執進呈太常少卿洪适等討論
到環衛官故事亡今有司同共相度湯思退奏環衛官
唐時有職事本朝無職事祖宗舊制自方鎮罷皆歸環

衛上曰討論得極詳備在內則兼帶在外則不帶如今之閣職請俸據所帶之官添支正如文臣館閣平時在環衛中庶見得人材令有司條具以十員為額朝參侍殿並依御帶體例宗室不在此制仍不差戚里及非職功人除改差主兵官合不領環衛如行在差兼職事如幹辦皇城司帶御器械之類仍許兼領若今後除授不依元降指揮並許繳劾可著為令 二十五日詔令臨安府依畫到脩蓋環衛官宅于園本內三十間蓋二位以待正任觀察使以上二十一間蓋四位以待餘環衛官不得別官指占 乾道二年四月一日詔環衛中郎將至郎將請給人從出職恩例并差破親事官並依將

軍已得指揮應環衛官批書印紙可並屬殿前司 三
年二月二十六日執政內殿直呈環衛官元有指揮不
許差戚里前日已得旨差潘才卿有礙元降指揮上曰
卿等如此理會甚善 七年十一月二十一日宰執進
呈右監門衛郎將鄭仁傑差遣上曰環衛官却不當帶
出處先文奏曰正如聖諭仁傑止帶閣門祇候上因宣
諭武臣貼職止有兩等朕欲增廣其名他日除外任者
因以寵之卿等可檢照典故具呈 八年四月十三日
上諭宰執曰環衛官戚世明軍政甚脩可除右千牛衛
將軍專令訓練士兵姚公質可除右監門衛中郎將依
舊殿前司前軍統領每遇宣入禁中賜酒食統領官不

得而與故除之成光延可除步軍司中軍統制依舊環衛官以同赴闕之人皆以任用今以此試其事梁克家奏曰陛下待遇將帥恩意重輕曲盡如此將見人人感奮矣 七月二十七日中書門下省奏勘會環衛官係行在職任既除授在外差遣自不合於衛內依舊帶行詔令吏部申明行下淳熙二年正月二十九日詔環衛官依舊壹除 四月二十三日詔自今除中郎將令陞殿侍立三年二月二十四日詔諸環衛官正除授軍中差遣或外任者並不許衛內帶行內環衛不差戚里及非戰功人先是二年閏九月十六日詔敕令所增脩此法至是上之故有是詔已而又詔環衛官指揮內不差

非戰功人一項更不施行 四年二月二十三日詔立
環衛官格節度使除左右金吾衛上將軍左右衛上將
軍承宣使觀察使除諸衛上將軍防禦使判更通侍大
夫至右武大夫除諸衛大將軍武功大夫至武翼大夫
除諸衛將軍正侍郎至右武郎武功郎武翼郎除中郎
將宣贊舍人敦武郎已下除左右郎將 十年七月十
七日吏部言武經郎閤門祇候王去惡除環衛官欲將
所帶閤職除比文臣帶職在京差遣例權行除落候將
來除授外任差遣日却與依舊帶行日後轉官依見行
條法指揮從之 去惡既除環衛官申審閤門祇候合
與不合寄職下本部看詳本部勘會敦武郎閤門祇候

該磨勘轉官如係閤門見供職人轉翼郎帶行閤門宣
贊舍人如不係見供職人即行除落去急昨任東義郎
特授敦武郎閤門祇候即非磨勘轉官故有此請 十
三年七月十八日詔環衛官雜壓在監察御史之上者
令依條牒門客試 十五年六月十二日進呈環衛官
趙廓乞依任壽吉例以遙郡帶大將軍上曰近制除環
衛官止論階官高下更不該載遙郡任壽吉以遙郡帶
大將軍係是差誤可改正任千牛衛將軍 紹熙九年
十一月二十二日宰執奏事之次上曰任安世除環衛
官裴良顯瓚與外任留此闕以儲將材自今官高者除
帶御器械小者除環衛官 二年正月二十二日左武

衛郎將武雄飛言環衛官每除合破省馬一疋立為定
例房緡欲下臨安府每月將軍文三十貫中郎將二十
貫到任供職經歷考第不應於殿前司批書印紙乞就
樞密院批書每遇朝殿將軍見破宮門皇城門號各三
道如係郎將只破宮門皇城門號各一道欲乞郎將更
行添破二道從之 四月二日知樞密院葛邲奏環衛
官秦世韓任世安皆念歸不若稍令更迭上曰此輩在
軍中請受厚糒此驕墮不如令更迭為是 嘉泰元年
十月十三日臣僚言恭親孝宗皇歲在隆興特降詔旨
有曰朕仰惟祖宗選用將帥以崇武節外建方鎮內列
環尹品式備具近來環尹久不除授非所以儲才而均

仕也可依舊制應以才畧聞堪任將帥及久勤軍事暫
歸休逸之人並為環衛官共以十員為額宗室不在此
制仍不差戚里及非戰功之人若今後除授不依元降
指揮並許繳効仍著為令仰惟聖心留意環戶之職者
蓋以禹收廣覽使之日在左右得以周知其武才他日
選用可以得人聖謨宏遠垂訓後世可不恪意遵守比
年以來居是官者類皆庸瑣規圖薦引不才武為先
僥倖序進不以選擇為急死員具位指日望遷一遇將
帥之闕竟萌僥冒之意如執券責償志在必得繞不滿
欲遂懷歆望不知祖宗為官擇人豈為爾輩貪得冒進
之地乎此風寔淫殆不可長乞今後除授環衛官悉遵

孝宗詔旨精加選擇不得輕授仍乞下臣此章風厲在
列各安厥次毋懷苟得之心其或有抱負奇偉可備委
寄朝廷自加旌擢若或碌無庸專事交結以覲進用有
違聖訓之人仍仰即日引退如更不遵戒敕偃然冒居
貪戀無耻臣當次第按劾乞賜重行黜罰庶幾環尹之
官莫非將帥之選從之 嘉定二年十一月二十六日
臣僚言環衛仰法將驢密儲才望恐陰興討論十負之
制謂非才任將帥久勤軍事者不在此選近年以來關
耳無聞之人皆得廁跡其間至於緩急選將傍徨四顧
鮮克勝任徒有乏才之歎乞降旨自今環衛官專以他
處曾為兵將而有功績及名將子孫之有才略者儻更

有躁進之徒僥躋于請雖已頒成命亦許輔臣執奏給
舍繳駁臺諫論列不容冒濫務在必行從之

宋會要 卷一百一十五 軍 初衛

龍武羽林神武六軍掌郊祀朝會儀仗會議仗判司官
一人以判金吾衛仗將軍兼領左右各三軍其局有排
伏通直官大將軍儀仗押當催驅驚場喝探節級探頭
等諸衛自左右衛以下官名存而事廢長史以流外官
任其番首官名舊有歸德懷化大將軍節將司候司陪
司戈後有增保定清遠奉義歸義廣化之名為六等將
軍而下又增武寧安化奉華保順之名為五等大將軍
又有寧遠保安保寧其將軍又有懷德奉化郎將有懷
忠武安司候有保忠司陪有保和保順司戈有順化安
德皆有蠻夷朝貢受官者充之 真宗咸平五年十一

月制如楚王元佐羽林軍上將軍餘如故 舊制左右
羽林龍武神武為六軍各置統軍無上將軍之名此蓋
有司誤也 天禧元年三月御史臺言常朝武官止一
二人或請告則絕班欲增補之詔擇內職之疲老者充
遂以莊宅使慕容德琛為右監門衛大將軍西涼左藏
庫使孫正辭為右領衛將軍崇義使劉守節為右屯衛
將軍東染院使韓景佑為右監門衛將軍供備庫使宋
可信郭仁浦為右千牛衛將軍供奉官閤門祇候錢昌
宗崇勳王玉馮處正宋接華張文德並為太子右監門
率府率英宗治平三年九月三日詔後六軍更不除上
將軍 先是誤除六統軍為上將軍自是改正 哲宗

正史職官志左右金吾衛左右衛左右驍衛武衛屯衛

領^{軍衛}衛監門衛千牛衛上將軍左右金吾以下諸衛大

將軍諸衛將軍為衛官 神宗熙寧二年四月十六日

詔差攝南班官今後只樞密院降劄于差攝訖閱御史

臺閣門如正除南班官即中書降敕告 三年七月六

日樞密院言今後攝南班有闕欲于見在院知州軍路

分都監以上得替未有差遣人內從上差攝如不足即

于審官西院除坐事替回合降差遣及今任有過并年

未三十未合入親民差遣人外敢未有差遣人定差詔

今後有闕先差陝西河東任滿替回或礙親放罷前後

曾有戰功路分都監至知城堡寨崇班以上如不足即

卷之五十五

依今擬定施行 欽宗靖康元年四月五日御史中丞
陳過庭言切惟祖宗時將帥建節不輕受人自宗觀以
來啟僥倖之路雖胥吏厠役間亦濫除坐糜國用百陪
他官今陛下猶名青膏恭簡用以身率四海凡任節度
使者人人願自貶損以從德化特重子自陳耳近因范
訥有請歸環衛授以上將軍制命一頒衆皆歡抃嘗聞
藝祖削平禍亂一日罷諸節度悉歸環衛而人無異議
者分當然也欲望指揮所屬詳加裁度除宗室及膏有
軍功人別作措置外其餘並依訥例換授施行以協天
下公議詔令史部除宗室外開具內外節度使姓名元
除授因依聞奏 十七日制以少傅安撫軍節度使錢

景臻鎮安軍節度使開府儀同三司劉宗元為左金吾
衛上將軍檢校太保保信軍節度使劉敦校校少師武
成軍節度使劉敏嚮德軍節度使張楙兵陽軍節度使
王舜臣檢校少傅應道軍節度使朱孝孫檢校少保瀘
川軍節度使錢忱並為右金吾衛上將軍並以戊午詔
書換授也

宋會要 三衛

徽宗崇寧四年二月十日中午書省言周官宮正掌王公之戒令糾禁以時比宮中次舍之衆寡以待夕擊析而比之又宮伯掌王宮之士庶子蓋王宮之內有士庶子為衛而庶子者非王族則功臣之世賢者之類王以自近而衛焉故休戚一體上下親而內外察逮漢以郎執戟宿衛殿中舉衣冠子弟充選至唐遂分三衛五府其法詳密今殿庭設伏慙以禁族而士庶子之法未能如古欲倣前世擇賢德之後勲戚之裔以侍軒陸庶幾先王宿衛之意今敝古修立三衛郎一員治一府之事秩比大中大夫三衛郎中之前文武各一員秩比朝議大

夫日率其屬直于殿陛長在左立于起居郎之前或分
左右文東武西在都承旨之後伏退治事于府博士二
員秩比承議郎主簿一員秩比宣德郎博士掌教導校
試親勳翊衛郎程文講書武藝親衛府郎十員秩比朝
奉郎中郎十員秩比承議郎勳衛府郎十員秩比通直
郎中郎十員秩比宣德郎翊衛府郎二十員秩比宣議
郎中郎二十員秩比承事郎親勳翊衛文武各四十員
分左右侍立官給衣帶紫羅義襴窄衫鍍金雙鹿束帶
執長柄八瓣首朶親衛郎立于殿上兩傍勳衛郎立于
朶殿翊衛郎立于兩階衛士之前三衛郎依給舍中郎
依少卿餘依寺丞一親衛官許后妃嬪御之家有服親

李疑事

及翰林學士并管軍正任觀察使以上于孫一勳衛官
許勳臣之世賢德之後有服親應大中大夫以上及正
任團練使遙郡觀察使以上一靖衛官許卿監正任利
史遙郡團練使以上並以親兄弟于孫試充一三衛官
直退皆入府誦書各占一經一書月以私試李一公試
習武藝者許赴武學一三衛官許年十八以上人材秀
整武班郎魚有材武之人親衛許承務郎以上大使臣
勳衛許通選人小使臣各占六曹郎官武臣正任團練
使以上二員保明文臣令大學官武臣令武學官試合
格人以聞三省審差一犯惡逆之家若編管人于孫親
兄弟及上書邪等貽明篤廢疾并歷任曹犯賊罪徒以

上及三路極邊川隍人元祐姦黨五服內親屬不許保
明充三衛官一冒試者處斬若違法保任者以違制論
不以赦降原減已在官者不以首原一諸衛郎每三人
已上結為一保之相覺舉雖非同保知其有犯亦同一
三衛郎知同保有犯惡逆係元祐姦黨五服內親屬若
編管子孫親兄弟及上書邪等歸明極邊三路川隍人
而不告者處斬一諸衛官每保夜以一員直宿有故若
於令應給假者免一文臣試衛官法公私試依此第一
場本經或論孟義三道私試減一道第二場時務策一
道一武臣試衛官法公私試依此第一場七書義二道
或策一道第二場弓馬依武學補試法一三衛府令史

一員書令史二員貼書四員守闕貼書四員並依殿中
 省法一試諸衛郎取成文理稍通者為合格有闕並試
 補臣僚不在以恩例陳乞之限一諸衛郎三年為任任
 滿無遺闕三衛府保明聞奏中郎升郎翊衛郎升勳衛
 中郎以次遞升願充諸衛郎者召保官赴吏部投納家
 保狀吏部類聚及三十人以上申尚書省差官試從之
 二十六月詔三衛郎為三侍衛郎 六月一日詔祖
 宗諸后及妃嬪之家其本宗堪充諸衛官以聞 八月
 十六日詔二衛博士今後並差文臣

此條移下第
三葉去注在
政和六年八月
二日條下

閣門通事舍人

下行錄故事

在第四頁第十行

政和六年詔以閣門通事舍人名行鄙俗可改為宣贊舍人

宋會要

閣門通事舍人太祖乾德五年四月以右班殿直鄭聚為閣門通事舍人。真宗咸平四年七月以右侍禁焦守節為閣門通事舍人。景德元年十二月二十八日翰林學士梁顥等言乞於閣門祇候內選試通識文字善能宣贊於祇應者六人授通事舍人仍令兼閣門祇候專切祇應只與京城勾當不差使出外別於閣門祇候供奉官侍禁殿直內選試二人充後殿詞令候通事舍

人有闕便以次填補以次別選詞令永為永式其餘閣門祇候只隨班起居外更不赴殿庭祇應所貴精習禮容遵守官業詔閣門具自來祇應精熟人數職任姓名以聞三年四月以閣門通事舍人焦守節為衣庫副使仍兼通事舍人真宗謂宰相曰守節以財利羨餘計司請行甄獎苟循級改官當為閣門副使若然者使邊防效命之人聞之何以為勸但稍遷而已三年八月帝謂宰臣曰閣門祇應通事舍人等禮容詞氣亦須詳閑近來失於慎擇可自閣門祇候已上選定人數具名以聞更有合制置事件並令本司條列聞奏天禧二年十二月禮儀院言儀制圖內言閣門通事舍人者今欲止名

通事舍人從之。仁宗慶曆四年四月詔通事舍人如未係諸司副使者與除合入副使在職係副使者轉五資候至宮苑皇城副使如累經任使有勞効並除橫行副使若未大經任使別無勞績除中等使額諸司使更不無通事舍人嘉祐二年十月以內園副使閤門通事舍人夏佺為西上閤門副使仍詔通事舍人自今十年無賊私罪者除閤門副使即不得陳乞

宋會要

英宗治平二年八月十七日閤門言祇應通事舍人例各不願住京蓋外任俸給差優即目全闕祇應欲望係住京祇應無勾當者依諸司使副以下差攝南班體例

月支添支錢候有差違罷給詔應閤門祇應未有差違
及待闕通事舍人閤門祇候每月支添支錢七千在京
者候別請添支外任者候朝覲即並住支

以上國神宗
朝會要

熙寧四年二月一日閤門通事舍人范愈言已授開封
府界咸平縣兵馬都監所有無宣詞令乞別差人詔閤
門於祇候內選定一名聞奏仍今後著例選定以聞十
二月十六日詔閤門自今通事舍人以下日輪二人察
視內殿起居臣寮其無故不赴者並行彈奏分故失定
斷三次者勘罪取旨察視之官自敢容庇委閤門舉劾
以聞六年九月二十三日樞密院言諸司副使兼閤門
通事舍人充職及十年轉閤門副使及中等使額本條

雖言曾經邊任及朝廷委寄顯著勞能者方與遷轉即不是邊任職局去處亦不分勞能大小等差及是何使額為中等故王咸有得以滑州鈐轄為寄任王易王澤李瑊皆自宮苑副使轉南作坊使一十五資使額為中等良以立法之初不甚詳備欲今後諸司副使額兼閤門通事舍人如充職及十年曾經四路汾遼路分都監或汾遼知州軍或安撫都監副使同安撫差遣或自轉大使臣後以勞績曾轉官者皇城宮苑副使並除閤門副使雖不歷上項差遣又無勞績但及十二年者亦與轉閤門副使其餘副使並於使額上轉五資依舊兼職若不願兼職及轉正使者並罷兼通事舍人其舊條內

曾經邊任及朝廷委寄顯著勞能并轉中等使額三項更不行用餘依前後條貫從之八年四月二十三日西京左藏庫副使王昭序兼閤門通事舍人以昭序自陳入仕五十三年老病乞解點檢閤門簿書并提點承受特有是命元豐七年正月十八日右侍禁閤門祇候朱伯材遷閤門通事舍人以德妃進位恩也紹聖四年十二月十六日詔內殿承制閤門祇候張忠特用閤門祇候年勞并理遇磨勘年月與除閤門通事舍人以先朝藩邸之舊也

宋會要

徽宗元符三年

徽宗即位未改元

十月十一日詔張維周特受

此條移至首
葉第一行

閣門通事舍人以頃事潛邸有勞也政和六年八月二
日改閣門通事舍人為宣贊舍人十四日詔閣門以宣
贊為職每遇播告吟諷聲韻不能達言道意至稽留百
碎莫能曉知可今自直誦其詞勿復循舊七年七月七
日詔東上閣門全闕應奉宣贊舍人以並不習喉音不
明引贊生疎特許軟臣戚里之家教武郎以上能贊喝
有喉音者聽於授狀知閣門按試及將舉止詳雅無過
犯二十人限一月引對取旨

宋會要

故事閣門無通事舍人而通事舍人沿唐制自隸中書
省如抽赴閣門並稱閣門祇候其後直授閣門通事舍

人非舊制也天禧中去閣門二字政和六年改為宣贊舍人

宋會要

高宗紹興元年十一月十八日詔閣門宣贊舍人李永志特降一官落閣職送吏部與遠小處監當以閣門奏永志不赴起居故也二十七日詔閣門宣贊舍人充神武中軍右部統領官韓世良充赴閣門供職以世良見管馬軍職事故也三年四月二十五日詔武顯大夫任仕安兼閣門宣贊舍人從荆湖南路安撫使折彥質言勘會本司統制官任仕安前後立到功效未蒙旌賞欲望特除一閣職故有是命五月七日詔武翼大夫兼閣

門宣贊舍人點檢閣門簿書公事陳誼以年勞合該陳乞鈐轄差遣為係簿書官祇應詳熟之人特留依舊供職仍依元降奏留指揮且名闕申朝廷特與差兼行在諸司差遣從宜請也九月二十三日詔敦武郎借閣門宣贊舍人權主管壽春府事統制軍馬羅興特與轉一官補正閣門宣贊舍人賜金帶差權發遣壽春府先是偽齊王彥充占據本府蒙廬州壽春府鎮撫使王宣贊委興統領軍馬收復了當自到任經今一年風夜捍禦別無疎虞講究聳治稍成倫緒遂陳乞朝廷別遴選重臣彈壓邊面故有是命四年六月五日詔閣門供職宣贊舍人已下并帶職提點承受等已今不妨供職注授

兼領諸司差遣緣行在窠闕數少自今後特許不拘內外注授合入差遣如合經密院人聽從密院陳乞如係外任人候闕到日方許陳乞免罷供職五年二月二十二日詔岳雲依舊帶閣職先是吏部勘會忠訓郎閣門祇候岳雲以收復襄陽府等處有功未承增賞指揮已特除閣門宣贊舍人今來增賞轉武翼郎緣不係閣門見供職之人依條合罷閣職故有是命十月一日詔武經大夫兩浙東路兵馬副都監黃鐸許帶行閣職以隨逐兵馬大元帥府有勞進狀陳乞故也六年六月五日詔武功大夫兼閣門宣贊舍人裴公孫自政和四年到閣門供職實及一十七年可將建炎覃恩并平江府廬

從賞合得回授兩官并與收使於見今官上特與轉行
還郡一官其已給回授公據令吏部拘收錢抹十一月
二日御前祇應幹辦御前馬院李彥實冀彥明件彥宏
言臣等伏自今上皇帝鑾出外第差在潛邸祇應以至
扈從至應天府遭遇登寶位寶萬載一遇伏覩閣門兼
祇應李觀嚴僅元係供報班次已蒙聖恩作藩邸人各
除閣門祇候並見今供職再念臣等夙夜應奉與其它
隨龍人事體不同欲望睿慈特許依李觀等例施行詔
李彥實冀彥明件彥宏並特除閣門宣贊舍人餘人不
得援例四日詔敕武郎閣門祇候孫暉與轉三官除閣
門宣贊舍人以淮南西路兼太平州宣撫使司申契勘

偽賊劉麟聚集賊衆侵犯淮西分遣賊馬攻圍壽春府
勾破水寨其知府孫暉躬親統押本府兵等駕舡下湖
岸劫奪賊寨生擒偽賊及奪到戰馬器甲并被虜人民
等其賊績復增添萬數併力攻打水寨其孫暉獨當一
路糾率所部官兵晝夜盡死與賊鬪敵保護一城生靈
致兵不能攻取委是立到奇功伏乞先次優與垂恩庶
幾有以激勸特有是命十二月十日武翼郎韓謄言臣
元是閤門宣贊舍人近談磨勘轉武翼郎即不帶行前
件閤職伏念謄昨用父贈慶遠軍節度使遺表恩澤一
資除前件閤職即與尋常特帶閤職人事體不同今竊
見曹湊亦係用父遺表恩澤除閤職後來磨勘不曾帶

行蒙特降指揮復令依舊帶行閣職了當謚與曹受事
體一同伏望特賜依曹受例依舊帶行閣職從之七年
九月三日詔武德大夫轉閣門宣贊舍人韓世良特授
榮州團練使官職如故以世良行在供職日久備見忠
勸故有是命十二年九月二十三日詔閣門祇候陳靖
特與轉宣贊舍人以靖昨在殿陞首尾九年祇應詳熟
並無遺闕故也十三年三月六日閣門言點檢簿書公
事趙環等申皇帝二月初御正殿及四參官起居
舉行曠典閣門應奉並無差失伏乞推恩詔各與轉一
官資閏四月十二日詔閣門供職舍人可依靖康年裁
減定例以十四人為額仍取宣和七年以前供職詳熟

人填見闕十四年五月六日詔今後閤門待闕舍人不
得過十員二十五年六月十二日詔武功大夫吉州團
練使王漢臣兩任簿書官滿合轉兩官特與見今選部
上轉行一官武功郎李大授簿書官三年滿合轉一官
特與見今官上轉行一官二十九年十二月十六日詔
武經大夫閤門宣贊舍人鄭立之係第八等依閤門格
滿三年合轉一官今已上十二年特與選部刺史三十
年五月三十日詔閤門宣贊舍人任叔向展二年磨勘
以使人在庭失儀之故也六月十九日詔宣贊舍人李
昂經曾引使副及曾當要殿第二番次祇應依昨降陞
等指揮陞充第二等祇應填見闕十月十九日詔武經

郎閣門宣贊舍人李偁與轉一官以偁父存納昨解罷
內侍省押班推恩合得恩例乞與子故也三十一年三
月二十四日宰執言後省繳金罷除閣門通事舍人除
目上曰初不知有如此曲折依所請便與報行以戒後
來僥倖之求以權中書舍人虞允文奏罷納果命官
及交結權門四為國信三節人皆納賂以得之故也
以上
計典孝宗乾道二年二月十日詔閣門宣贊舍人以下
提點至承受金國使人到闕應奉及一十番各轉一官
資自隆興元年為始三年十一月二十八日詔在外侍
闕舍人依昨降指揮曾經歷任人簿書官審量方今填
額外闕供職且請給候有正闕撥填入舍人方許支破

卷二千九百六十七

以上乾道六年八月六日詔閣門官屬舊有定制今
欲稍清其選因以擇材除宣贊舍人閣門祇候依舊通
掌贊引之職外可置閣門舍人十員專掌覺察等事並
先召赴中書省試時務策一道限八百字以上并試步
射七斗弓四箭就學引試如應格則收旨除授為定
式其所分職務別令閣門件析以聞同日詔閣門舍人
如供職及十年願補外任者並宜優異與郡守差遣十
九日閣門言近置閣門舍人十員令閣門具所分職務
諸殿覺察失儀兼侍立駕出并行幸去處亦如之兼六
參常朝後殿引親王起居從之七年十二月二十日詔
閣門舍人自今依文臣館閣以次輪對所有立班可與

簿書叙官顧募添作八人八年二月七日詔閤門舍人從義郎已下可依帶閤門祇候准四年磨勘餘依本法以吏部申明故有是命淳熙三年三月十七日詔自今管軍官更不帶行閤職非閤門供職人仍不轉官紹熙二年五月十五日臣僚言檢照先降指揮令後閤門官以四十員為額見今已是溢額四人不可復增今來張顯祖特除閤門宣贊舍人正是溢額之數欲乞且令仍舊看班祇候從之四年六月八日閤門宣贊舍人幹辦皇城司鄭挺言閤門供職已踰十年幹辦皇城司係再任照得昨降指揮閤門宣贊舍人供職及十年人與州鈐轄差遣皇城司幹辦官曾經任滿人與陞擢欲照元

降指揮改差兩浙東路兵馬鈐轄衢州駐紮依王瑛等
例依舊閣門供職到日之任從之慶元二年正月十一
日臣僚言閣門西班之清選亦國家儲才之地內宣詞
令必取其音吐洪暢能通曉文義者然後可以為之照
得閣門之官有帶點檢簿書宣詞令職事者多是不通
文義不識字句每遇宣制日分旋託他官代宣乞令閣
門長官將帶宣詞令人再加選擇如有不稱日下住罷
庶幾公朝無曠官之累從之四年正月十七日詔閣門
宣贊舍人以下日在殿陛應奉事體繁重可將見供職
人候入額實及六考依內外場務官例與理闕陞令閣
門保明報吏部施行今候准此

宋會要

淳熙元年十月二十九日詔忠訓郎閤門舍人熊飛在
殺陞應奉並無遺闕已授外任於祇候庫取賜金荔枝
一條繫赴朝參三年三月十一日中書門下省言淳熙
元年十一月二十日敕令所編類落閤職轉官申明指
揮謂帶閤職閤門見供職人得旨除落方合轉官其不
係見供職人如祇候轉武翼郎宣贊舍人轉武翼大夫
依條自合落難以一槩推恩詔自今依此施行四年正
月二十三日中書門下省言閤門舍人若除授差遣合
與不合於銜內帶行吏部檢承乾道八年七月二十七
日詔旨環衛官係行在職任既除授在外差遣不合於

街內帶行詔吏部申明以下史浩淳熙中孝宗幸秘

閣門舍人陞下方以視館嘉泰元年十二月二十六日

職亦各參與坐於西廊

詔今後召試閣門舍人必擇右科前名之士及照已降

指揮履歷考任應格方許與郡先是淳熙四年三月詔

閣門舍人依秘書丞例理親民資序後供職實歷二年

乞補外與知州差遣至是臣僚繳奏閣門舍人戴炬潘

檉不顧格法僥求郡寄復有是命二年七月二十七日

詔閣門待闕人數頗多自今後以三十人為額外雖有

降到指揮令閣門執奏更不施行三年二月二十一日

詔見任閣門官供職及一年許奏本宗暮親閣職一名

特與不作員闕額外供職經任人方許赴上曾任知閣

門事及一年未曾陳乞者亦許奏一名令閤外待闕候
有關經任人依名次撥填供職四年八月十三日詔已
除閤職待闕之人除未經任人合候經任見在外任人
許候任滿外今後遇闕批問已經任人如不願供職可
落閤職與轉一官令閤門具申施行如在外州寄居令
閤門移文各州守臣取會供申嘉定元年四月十四日
詔待闕未供職人落閤職轉官指揮更不施行二年十
一月二十六日臣僚言閤職所以擯相朝儀為右列清
選故乾道增置舍人之員試而後用以比儒臣館職自
此即可試郡近年以來有非所當得者亦萌干請之念
至於任郡寄乖繆無聞不孚物論甚失掄才之意乞自

今閣門舍人專以處右科及曾發文解衆稱其行能兼
備者儻更有躁進之徒僥踰干請雖已頒成命亦許輔
臣執奏給舍繳駁臺諫論列不容冒濫務在必行從之

宋會要 帶御器械

國初已來嘗選三班已下武幹親信者佩橐鞬御劔或以内人為之 真

宗咸平元年四月以西京作坊副使石顯為西京作坊使西京作坊副使

兼改教為供備庫使供奉官張翼為供備庫副使並帶御器械 初是職上

名御帶至是改焉 天聖七年十一月詔帶御器械給馬三尺并鬬栗 景

宗慶厯元年七月詔帶御器械關員以歷遷任有功者補之申明原定三

年中詔也八年三月詔樞密院內臣諸司使副在邊五年而無過者遇帶

御器械關以名次取旨帶御器械五年而無過者遇內侍省押班關亦如

之 十二月十二日殿前郭承祐言男供備副使士遜昨准恩旨與帶御

器械今臣管軍慮有妨礙詔士遜兼通事舍人 神宗熙寧六年十二月

二十三日帶御器械鄧德言乞據差官輪番宿直詔令向寶宿直舊制外

任帶御器械過關朝見不宿衛時寶移真定府路總管過京師故特命之

元豐二年二月三日詔自今帶御器械過獨員差內侍押班兼權 三

年閏九月二十二日詔入內東頭供奉官幹當御藥院李舜舉左右歲久

清謹寡過可大恩使遷郎刺史帶御器械以上續國朝會要 高宗紹興

五年五月十九日詔今後外任臣寮初除帶御器械並候告謝正謝訖供

別果下脫
無一行補
景祐二年
正月二十九
日詔帶
法器械
自今不得
過六人非
時更不添
置。仁

職 七年五月二十三日樞密院言帶御器械官合帶插上曰祖宗置此官所以衛不虞也今乃佩數隻散箭不知何用方承平時至飾以珠珍車駕每出為觀美而已又有毬仗隊皆極文綉之飾而無實他日恢復之後此等事當盡去之上每論天下事常欲貴實而惡為文具是以及此 十八年六月十八日景福殿使安德軍承宣使內侍者柳班張去偽言昨任帶御器械於去年九月除內侍者柳班所有解帶合得恩例欲望許於臣父見道見今官上轉行一官從之 二十九年四月十六日詔近降指揮令中外舉薦武臣召到者無關可處可增置帶御器械四員 六月二十五日詔隨龍帶御器械李彥實特與落階上曰自藩邸事朕至今三十六年備著勤勞故有是命 以上中興會要孝宗乾道六年九月十四日中書門下省勘會已降指揮帶御器械立班在樞密院檢詳諸房文字之下其雖歷叙位亦合一體詔前降帶御器械官在橫行本等官之上餘官在橫行之下指揮更不施行 十月五日帶御器械離歷叙位依近降指揮今在樞密院檢詳諸房文字之下遇合班處依閣門元降指揮立班 六日詔今後筵宴等插戴花朵帶御器械官并環衛將官未至橫行人特與依橫行副使支破 淳熙二年正月二十九日詔帶御器械依舊堂除

三年二月二十四日詔諸帶御器械正除授軍中差遣或外任者並不許
衙內帶行先是二年閏九月十六日詔敕令所增修此法至是上之故
有是詔十二年九月二十五日詔今後帶御器械供職及一年方與解
帶恩例以司農少卿吳煥言比年政除帶御器械供職未幾復還舊任候
去規求解帶恩例在法歷任期二年成資今雖不及二年亦合供職及一
年以上方可上曰此說甚當今後供職及一年方與解帶恩例只作特旨
行下故有是命

全唐文

左右侍禁

續宋會要

內殿崇班

太宗淳化二年正月詔置內殿崇班在供奉官殿直之上左右侍禁在殿直之上先是供奉官殿直有四十年不遷者故特置崇班侍禁之目差定其俸給以次授焉人用胥悅

全唐文

宋會要

皇城司在左承天門內北廊本名武德司太平興國六十一月改今名掌皇城管籥木契親從親事官名籍及命婦朝會頒冰供內取索物及入內院齋料國忌齋醮之事以諸司使副使內侍都知押班三人勾當後或增差踰舊員兩朝國史志皇城司勾當官三人以諸司使副內侍都知押班充掌宮城管籥木契親從親事之名籍及命婦朝會伏日頒冰內中須索內院齋料并國忌修齋醮設之事皆總焉勾押官押司官各一人前行四人後行六人勘契官二人神宗哲宗正史職官志同

此提舉官一員提點官二員幹辦官五員以諸司使副內侍都知押班充點檢文字使臣法司使臣主押官押司官各二人前行五人後行曹司各四人表奏司正名貼司私名貼司專副各二人本司掌官員到任并滿罷合得酬獎等親從親事官五指揮入內院子指揮司圍轉資事故作過移送開收名糧等每年換給勅號郊祀大禮差隨從聖駕祇應親及製造添修應奉物色等并前十日本司官吏將帶親從等往青城搜空止宿照管使臣人吏開收違補任滿酬獎并陳乞磨勘轉官大金使人到闕賀聖節并賀正旦差撥入驛把門約攔入位代刺員祇應親從等并造儀仗下級帶勅號奉使大

金賀正旦生辰差入國親從和寧等門機察人物頭及
火燭入出并驗牌號宣押人物等入出每年上下半年
探督內外諸窠坐親事官守闕入內院子等差使去處
每季探督在內諸門地分崇政殿垂拱殿親從占役差
使去處天申節貢院御筵差把門約攔并投送文字等
親從事官每遇朝獻聖駕行禮差親從搜視守把門禁
辦驗機察人物等入出應諸官司降到指揮差取親從
親事官等御試舉人差撥殿司鑠宿親從排辦掃洒等
春秋銓試選人差巡視親從親事官守麗正等門寄班
祇候批書到任滿罷忌辰行香立班處差約攔親從寒
食節十月朔內人朝陵差入內院子守闕入內院子親

從五指揮揀選崇政殿祗候親從大禮畢將崇政殿親從堆垛子配填班直等大禮前預差親從親事官充近上軍分每三年一次排轉親從親事官入內院子守闕入內院子職名應承奉指揮權留在內諸門并留住人物等內中止宿每年於親從親事官逐指揮并於殿前馬步軍司取揀合過守闕入內院子指揮之人并製造在內諸門地分崇政殿垂拱殿撥衫笠子添修上下半年付物掃洒等每於九月內闕大史局於十月內選日蓐拔在內自生蒿草每季禁止高草去處不得觀望禁中約束杖子門外不得諸色人作鬧每年春秋按賞親從逐指揮親事官第一指揮長行三色武藝弓弩槍手

銀鑠子應皇城周回遇有疊裂墊陷倒兌移文修整應
諸官司關報到人物頭及等入出諸門給牌子照驗放
入 太宗淳化二年閏二月詔諸色人不得帶刀子入
內委皇城司勝門告示 真宗咸平三年八月詔定臣
僚趨朝下馬之處令皇城司告諭九宰臣親王節度使
至刺史文武升朝官殿前諸班馬步軍廂軍主都虞侯
諸司使至崇班供奉官至殿直樞密承旨副承旨醫官
待詔於皇城門內下馬若由左掖門入向北於左長慶
門外下馬宰臣參知政事親王樞密宣徽並於左銀臺
門外下馬若由右掖門入向東於中書門東下馬向北
於右長慶門外下馬宰臣參知政事親王樞密宣徽並

於右銀臺門外下馬若由東華門入向西於左承天門外下馬若入崇政殿起居向北尋城牆於諡門外下馬宰臣參知政事親王樞密宣徽於橫門下馬指揮使以下至員僚奉職借職幕職州縣官等並於皇城門外下馬九月九日詔拱宸門每假日早朝其御前馬步軍廂軍指揮使以上北宅將軍以上止得入拱宸門內下馬其使臣奏事急速者許於此門入自餘須於朝門出入崇政殿後苑宿直內品親事官交番內中修造工匠依舊出入十一日詔京官及中書樞密堂後官主事以上許入皇城門下馬十一月一日詔宰臣參知政事聽騎馬入中書門於小廳前下馬出便門趨朝其出亦聽於

本廳上馬十日詔宰臣及臺省請望官正言監察郎中
諸司四品以上聽戴帽至下馬處自餘雜品官如雨雪
即許戴入 四年閏十二月四日詔南宮北宅將軍遇
假日及非時宣召許入拱宸門十四日詔自今如賞花
射弓拱宸門不放人入宴會時知制誥以上聽於北極
樓下東橫門外上馬自餘於須夾道門東上馬 五年
正月詔皇城司應文武臣僚不得帶從人至排班及閣
門左右九月詔皇城司前選三司役吏補軍校掌內庭
管庫者並授三班奉職自今勿復補置 景德二年十
一月詔皇城司今後差上番親從親事官於未開內門
前於門外編欄合入殿庭之人先門道內守門以次趨

朝官排馬即於後排立依次入門若不係殿庭排立祇應人須趨朝前入絕方得放入所有從內者亦差補宿親從官約攔於門裏空處候入門人靜方得放出即不得擁併占先奔走 三年九月皇城司言乞今後應中書樞密院三司開封府及諸臣僚引從祇應公人依崇政殿門例放入長春門準備祇應人即止外貯廊西如有公事逐旋勾喚餘並不放入長春門及東角門兩處取便出入詔宰臣等各許帶從人入長春門內宰臣親王樞密使五人知樞密院事參知政事同知及簽書樞密副使宣徽使三人三司使開封府二年外餘依所請仍令皇城司常切點檢後以翰林學士晁迥乞許各帶

一人入長春殿門仍併罷三司使開封府御史中丞長
春門裏引接之人 四年六月詔皇城司今後雄州通
直赴內東門進下每旬具數報樞密院九月同管勾客
省閤門公事王克明等言自來雙日紫宸殿門外見謝
辭文武臣僚放班之次諸色人於殿門外及廊上往來
交雜欲乞令皇城司差人於殿門外東西排立不令放
入不係見謝辭臣僚及諸色人過往如有違犯臣僚即
許閤門彈奏諸色人送開封府劾問仍下閤門御史臺
三班院入內侍省皇城司告示從之 大中祥符元年
二月以汲水器賜宿衛諸班充皇城内掃洒所用初事
材場以退材造成汲器真宗曰此細物爾以給宿衛諸

班供用或致亡失則官司必責備償可特賜之勿附帳籍四月詔兩街僧道錄傳法譯經三藏許入皇城門下馬八月詔皇城司崇政殿門外快行十將節級等應內侍傳宣勾喚臣僚及密差勾當外其餘並止於皇城司差親事官二年五月詔皇城司每常朝日臣僚起居未退其諸宮院車馬並令於東華門裏夾道內過入軍器庫東橫門并崇政殿東橫門赴內東門如假日及常朝已退即許入左承天門九月詔尼院供用官遇假日亦許入拱宸門三年八月詔皇城門所遣親事官同察者自非姦盜及民俗異事所由司不即擒捕者勿得以聞先是遣此輩四十人給緡錢每季代之凡所察事

悉上本司即時錄奏帝慮其恐喝擾人故令樞密院條
制之十一月詔皇城司關額親從親事官委本司差指
揮使將等架於軍頭司招到人內揀填旋押赴司看驗
引見 四年四月詔自今東華門左右掖門外緣皇城
居民有將已業出賣者官為收之優給其直先是石掖
門外民家遺火頗接內庭上封者因請徙東華門左右
掖門外居民地所官市其屋以為廊廡帝以民居既久
不欲搖擾故有是詔五月勾當皇城司劉承珪言皇城
內諸門出入人多袒衫下領不甚端謹自今乞降宣示
諭有違犯者送所司量從懲責從之 五年正月詔皇
城司親從親事官十將已下依舊五人為保遞相覺察

不得飲酒賭博其指揮使都頭亦須遞相覺察鈐轄畫
時中舉仍令指揮使已下置曆輪掌一月具有無作過
之人抄上印曆書押於後却稱飲酒至醉賭博受財故
作非違令內職覺察如不申報蓋庇致人陳告察探得
知連科違制之罪者第遷一資是月詔前議以塽疊皇
城可令擇日興葺二月詔乾元門至朱雀門及皇城四
面每歲植木自景德四年至今尚未得茂盛可委勾當
皇城司劉承珪專切管勾十二月詔皇城内盜百錢以
上法皆杖配項來有諸道細網之人懷錢出入一為發
覺即無以免其令皇城司曉諭應出入役人使知條約
六年十一月詔皇城司自今契丹人使到關其入內

內侍省三班使臣並曉示逐月趨朝者令只入左掖門
東華門候人使進發日依舊 天禧元年正月詔皇城
司每遇正陽習儀即開西廂門令臣僚出入八月十五
日右正言魯宗道上言皇城司每遣人伺察公事民間
細務一例以聞頗亦非便請行條約帝曰叢脞之事多
寢而不行有司之賦亦不可廢也 二年正月詔皇城
司自今勾押官入仕二十年以上充勾押官及五年依
例以聞與班行安排二月勾當皇城司監繼宗言請與
劉美周懷政通宿於本司詔繼宗自今止居本司勿復
通宿先時繼宗將家屬居本司至是從外舍故上言也
仁宗乾興元年仁宗即位未改元十一月皇城司言自來中

使奉使差出及朝臣替迴入見並以名報皇城門外把門人員以憑認近日多因循不報望下閤門審官三班院入內內侍省徧行告報從之 天聖元年十二月詔皇城司親從親事官有飲博逃亡及別為過惡合該移配六軍并京畿縣鎮下軍者自今並相度情理配外州軍本城或邊遠牢城仍下三司開封府應有親從親事官作過例該移配者並決訖奏裁 二年六月皇城司言近日諸色工匠將帶頭及作伏稱奉宣勾喚入內工作留宿並無關報深慮夾帶姦詐無憑辨認欲望自今如奉宣勾喚人匠及諸色人百姓入內工役并留宿者並據人數關報當司以憑經歷內諸門點校放入從之

七年六月詔入內侍省自今抽差親從親事官須憑皇城司大字抽差不得令使臣直行勾取先是有內侍鄧德用傳宣親從第一指揮勾當副校黃遂以下二百二十六人赴昭應宮救火無文字闕本司以為非便故有是詔 八年三月詔皇城司自後諸軍班直及諸司庫務坊監不得每日差入內探及抄劄班次姓名

景祐二年八月十三日詔勾當皇城司李用和五人每車駕行幸常令二人在內依例管勾 慶曆六年四月

二十九日詔皇城司曉示自來使臣軍員等因朝見謝辭多於殿庭唐突今後如合該條創酬獎仰於所轄投狀如別有抑塞即於理檢院陳訴更便輒於殿庭唐突

令行門止約如違當行劾問並以違制私罪論 七年十一月二十四日詔皇城司在內諸司庫務有着火燭并有頭及去處如遇乘輿出內各留監官一員照管

八年正月十二日詔皇城司每遇駕登樓即將合係對御祇應諸司並額定數目令合屬司分依入後苑例內逐司只許本處人員工匠院子長行帶牌子上樓祇應即不得夾帶抽差到兵士袞同在內閨正月降勾當皇城司楊景宗等六人坐不覺察崇政殿親從官夜寇宮闈也時親從官四人夜入禁中焚宮簾斫宮人傷臂三人為宿衛兵所殺一人匿宮城北樓經月方得即支分之不知所以始謀者景宗等皆領皇城司故被責焉景

宗自建寧軍節度觀察留後降徐州觀察使知濟州鄧
保吉自皇城使康州刺史入內內侍省內侍副都知落
副都知為潁州兵馬鈐轄楊懷敏自左藏庫使通州團
練使入內內侍省副都知降為文思使賀州刺史劉永
年自北作坊使康州團練使降洛苑使英州刺史蔡州
兵馬都監趙從約自洛苑使眉州防禦使降領陵州團
練使濮州兵馬都監王從善自供備庫使滎州刺史帶
御器械落帶御器械為曹州兵馬都監是月臣僚上言
皇城使在內中最为繁劇祖宗任為耳目之司勾當官
四員多差親信有心力人近年員數倍多並不選擢乞
今後只差四員選經歷有心力況厚之人勾當各更不

許人指射陳乞如違並以違制論從之七月六日詔今
後勾當皇城司都知如遇非次差遣假故即令勾當皇
城司內諸司使副并帶御器械官員相兼輪鄣赴崇政
殿宿直勾當如不係內諸司使副御帶只輪在內東門
外并皇城司管勾宿直公事 皇祐元年三月十七日
詔皇城司在禁中外城牆正不點檢至生青草輪差勾
當皇城司使臣躬親將帶裏外巡城人員兵士剗削並
管常令潔淨十一月十一日皇城司言相度到皇城東
兩壁有諸位次內小屋子搭靠城牆并簷樞俯逼皇城
計三十七處屋後別無巡道致外仗親從官無由巡覷
乞令東西八作司監官部押人匠並令拆去小屋子并

簷楹俯近皇城去處並留出充巡道更不得開置通後
門子并宣德門外兩頰朶樓下有儀鸞司木場子二處
排垛木植甚多况接近內城下更不便亦乞令儀鸞司
遷置別處詔逐位次元有後門處依舊存留只於逐位
兩道置角門子通作巡道如官員不在位次即開後門
却開角門子令親事官通過往來巡覲餘依從之 二
年正月詔樞密院自今勾當皇城司並選差人仍不許
陳乞二月御史臺問門同定臣僚合帶從人出入禁城
數目除入宮城門至殿門准舊制外各於著令節減及
宗下馬去處其餘即令門外祇候所有中書樞密院及
臺省諸司吏人各有職局在內祇應者於合入門戶別

置名籍點檢出入在外諸司祇應公人若廳子之類並許帶入皇城若係主判官并上殿臣僚合帶引接人并將帶文字合要手分書表司等亦仍舊例即不過二人其應差在臣僚下當直人諸軍指揮差到兵士限半年一替如過限不令交替乞行嚴斷因而在皇城内作過本官以違制論條重者自從重若散從親事官街司從人以諸司人等緣常關人替換且依舊例其合將帶入皇城門從人姓名並仰本處關報皇城司照會若在京不勾當事文武臣僚即委本官具合將帶人力姓名關報門司置籍抄上嘗切檢察其從人遇有替換亦仰接續關報若額外將帶人入仰門司收領送官其從人嚴

斷外本官亦行朝典如敢多將人數出入或通門司不容檢點許御史臺閣門彈奏重行貶責其皇城内諸司庫務人等亦委本司勘合逐番祇應詣實人數姓名關報出入門戶各別點檢不得與合破當直人來同將出入今定到令出節數并將帶隨從人數詔皇城司並依所定施行中書樞密院執政官二十人宣徽使十八人御史中丞十四人知雜御史十人左右金吾八人其出節元不開元坐今定比舊減半僕射以下四節提印單行及執仗節級不在數中餘皆准此今定入皇城門兩節外從人十六人尚書以上及觀文殿學士資政殿大學士節度使三節今定入皇城門兩節外從人十六人

翰林學士以下至龍圖閣直學士及丞郎以上節度觀察留後兩節今定入皇城門一節外從人十四人給事中諫議舍人它官知制誥同大卿監待制觀察使內客省使延福宮使景福殿使客省使諸軍衛大將軍引進使防禦團練使各一節今定皇城門依舊一節即不過五步從人十二人三司使權知開封府四節今定入皇城門一節外從人十人諸司四品官及宣慶使四方館使諸州刺史樞密都承旨宣政使閤門使昭宣使舊制許兩人呵引今定入皇城門去呵引外破從人十人樞密承旨副承旨樞密院都承旨諸衛將軍起居舍人侍御史諸部郎中皇城以下諸司使舊許兩人呵引今定

入皇城門去呵引外破從人八人樞密院副承旨諸房副承旨殿中侍御史左右司諫諸部員外郎客省引進閣門副使左右正言監察御史見任三司判官主判官開封府推判官舊制許兩人呵引今定入皇城門去呵引外破從人八人太常博士以下升朝官及帶館職京官許帶從人四人不帶職京官許帶三人諸司副使以下至內殿崇班及閣門祇候樞密院兵房吏房禮房副承旨各許帶從人四人如在內庭勾當許帶六人入內內侍省供奉殿頭許帶從人三人如在內庭勾當許帶六人三班使臣班直以上內臣黃門以上許帶從人二人如在內庭勾當許帶四人皇親諸衛將軍以上出節

及帶從人自依本官外其率府率以上下各許帶從人
六人伎術官合騎馬入皇城門者許帶從人二人 四
年四月十六日詔皇城司今後內中宿直臣僚等更不
得似日前飲酒聚會如違重寘之法 嘉祐五年十二
月詔入內內侍省皇城司詳定今後夜開宮殿皇城門
闕防條貫省司同奏京城內夜間遺火稍大及非次汴
河水漲差使臣傳宣及撫防河兵士并降放舊城門鑰
匙今從更不降在內門戶鑰匙開門止令入內內侍省
每司差入內供奉官至高班二人於申時後赴東華門
外仗止宿祇候隔門承受文字其舊城門鑰匙亦令封
轉與差下使臣降放非次宣喚監官并事干急速須合

開門留門者乞差內宿使臣傳宣入內內侍省令隔手
差使臣於垂拱殿憲子下傳宣內侍省并鑰匙庫令本
處使臣覆奏訖差當宿使臣降放并內中差入內使臣
付與御寶劄子賞赴門首監覲仍委監門驗認使訖却
須進納仍並差年長厯事使臣及皇城司差在內巡檢
或地分人員等與所差下使臣同視開閉其內東門鑰
匙亦乞差委當宿勾當內東門司使臣奏請躬親降付
內東門與勾當本門官員同開閉辨認出入人等候鑰
門畢復進納當宿翰林學士有事故不宿者值晚鑰院
並逐次留門或降鑰匙開門放使宣喚今後如當直學
士有故不宿乞令本院畫時告報以次學士宿直免致

開留門戶每宣試官赴閤門授敕值晚即降鑰匙開門及留門放入赴閤門授敕訖勾當御藥院使臣押赴試院兼計會閤門稱自來差發降南省知舉考試官等係御藥院密差人宣到閤門伺候齊足方將實封於眾試官當面拆封給賜與當直閤門祇候同押赴逐處鏢宿如值晚宣未齊足御藥與閤門祇候於東華門及左右掖門外齊候給勅訖押赴逐處乞更不開留在內門戶皇親諸宮宅院并究國公主宅內有自來合得下隨身膀子入內如遇午後令所司更不收接每年遇上元節及遇郊裡大禮宴會并御試舉人合開留在內門戶依自來體例施行並從之時哀國公主夜開皇城門入內

故有是詔 英宗治平元年三月皇城司言蒙降下詠
官呂誨奏乞今後應宮門並須遵守着令檢察合入之
人及官員將帶從者定以數目遇百官入朝人吏等不
得爭行嚴為禁止如有欄入之人勘鞠分明應經歷門
戶及所管司分並一等科罪所責人不解慢門禁稍肅
令本司一依條約施行本司舉行舊例緣出入之人多
不稟畏每至趣朝宴設排當祇應衆人多例皆爭先擁
闢不成次第既當整肅人員以下編欄約闌因致過悞
往往迭開封府斷決乞自今後諸門約闌人等如因約
欄之次小有悞犯乞送本司酌情斷遣所貴敢行止約
從之 二年七月皇城司言先准康定元年七月二十

二日詔旨以在內守諸門兵級等不切子細點檢出入之人因緣抵罪遂降旨下本司令自今後常須嚴切鈴轄出入之人緣今在內合出入門戶臣僚合將帶公人數目合到甚處並未有明立條約指揮致本司無憑按驗况近帝所親嚴之地出入之門動關防不細乞下御史閣門參詳前後條約重定奪件析以聞於是御史臺閣門並上言具到除自來元合破引接人外自三公三師下至伎術官除合祇應者畫定從人數目并引接人等然只得將帶入宮城門其至殿門祇應人并主判臣僚自來合帶將文字手分一兩人得入殿門並依舊制並依所定施行凡祇應從人三師三公東宮三師僕射

以上各五人東宮少師少傅少保州府牧御史大夫六
尚書左右金吾衛仗左右衛上將軍門下中書侍郎節
度使觀文殿學士資政殿大學士三司使翰林學士承
旨翰林學士資政殿學士端明殿學士翰林侍讀侍講
學士龍圖閣學士樞密直學士龍圖閣直學士散騎常
侍六統軍諸衛上將軍太子賓客太常宗正卿御史中
丞左右丞諸行侍郎節度觀察留後給事中諫議大夫
中書舍人知制誥龍圖天章閣待制觀察使祕書監內
客省使以上各四人大卿監祭酒延福宮使景福殿使
客省使開封河南應天尹太子詹事諸王傳司天監左
右金吾衛以下諸軍衛大將軍左右庶子引進使防禦

團練使三司三部副使少卿監宣慶使四方館使司
業少尹太子少詹事諭德家令率更令僕諸州刺史諸
王府長史司馬司天少監樞密都承旨承旨副都承旨
宣政使閣門昭宣使諸衛將軍起居郎舍人知雜御史
以上各三人侍御史郎中皇城以下諸司使樞密院副
承旨諸房副承旨殿中侍御史左右司諫員外郎客省
引進閣門副使正言監察御史以上各二人太常博士
諸司副使次府少尹大都督司馬通事舍人國子五經
博士都水使者開封祥符河南洛陽宋城縣令太常宗
正秘書丞著作郎殿中丞內殿丞制殿中省六尚奉御
大理正中充贊善崇班中舍洗馬樞密院兵房吏房禮

房副承旨率府率副率諸衛中郎將司天五官正閤門祇候係祇應者及內侍黃門以上寄班祇候係殿祇應庫務者京官帶館職以上各一人內伎術官如遇宣喚入內祇應同神宗治平四年未改五月十七日皇城司言親事官見闕人多少有投名蓋久例有酒氣并喫酒不醉配外州軍本城欲乞今後如此罪犯並降移別指揮親從親事官仍三年內不與優輕差遣從之熙寧元年三月皇城司言在內諸司地分并諸司庫務等處至晚各著鋪分即無玄相關防條約致有寅夜作過之人乞應係內宿人至鑰門後各著鋪分如的有勾當須告同鋪或同房止宿人同報本轄人員職掌等稱所

欲往仍與同覆人同行所有內宿從親官直到地分報
覆天明後方得各處止宿去處犯者並科違制之罪如
地分巡吏不切覺察致令地分收領其同鋪及經歷巡
宿人並行嚴斷如有一兩人守宿處即報本地分巡宿
人同共往來並從之四月二十四日皇城司言今後在
內諸門地分透漏合行收理人數欲乞依條從本司一
面斷遣加情理重者即開封勘斷從之五月十八日詔
開封府今後皇城司親從親事人員已下真犯罪勘見
情理係杖罪已下合牒皇城司一面斷遣十三日樞密
院檢會治平三年八月內皇城司親從官四指揮元額
共二千二百七十人今來見闕長行二百九十六人乞

招填詔差昭明鄭餘懿外面置司招召十二月一日詔
皇城司今後以七員為額差兩人前班諸司使以上永
為定式 五年五月二十六日詔轉員親事親從官闕
指揮使差副指揮使權管勾舊制親從親事官各於本
軍轉補以入殿宿衛欲其互相檢察不令乘轉所以防
微也九月十二日相度在京諸司庫務利害劉永淵言
相度將來只於瓊林苑收藏冰更不般往水井務其為
省便永遠可行今相度水井務減罷監官外應人盡撥
屬瓊林苑管轄依舊請受從之 六年十二月皇城司
言奉旨為今年冰消溶過數令候瓊林苑金明池收外
依去歲更於水井務收三井本司看詳乞就本苑更增

收貯不應兩興井窖欲圻移水井務塲石就營造供進
詔依已降指揮收三井外並從之 元豐五年六月四
日詔西京左藏庫使吉州刺史內侍省內侍押班石得
一再任皇城司 六年二月十四日開封府乞自今本
府官吏夜救新城裏火如舊門開開聽闕大內鑰匙庫
差東華門外當宿使臣降鑰從之四月十七日上批幹
當皇城司官數多可除兩省都知押班外取年深者減
罷止留十員自今勿員外置 哲宗元祐元年十一月
六日詔勾當皇城司三年無過犯者與轉一資皇城使
及遙郡刺史以上與子有官者轉一資無子者許回授
有服親減二年磨勘再任滿者減二年磨勘皇城使及

遙郡刺史以上許回授與子如無子與有服親仍減一
年見任再任官准此 六年八月二十六日詔今後幹
辦皇城司官除入內省都知押班任滿許取旨再任外
餘非特旨再任依元條 元符元年詔應宮城出入請
納官物呈稟公事傳送文書并御厨翰林儀鸞司非次
祇應聽於便門出入即不由所定門者論如闕入律應
差辦人物入內及內諸司差人往他所應奉並前一日
具名數與經歷諸門報皇城司 徽宗崇寧五年二月
十五日知入內內侍省事閤安奏見勾當皇城司招子
弟利填親從親事官閤願自祖宗以來止是招刺在京
軍班子弟後來准朝旨許招在京諸班直軍民換受前

班并品官之家子弟及在京禁軍減充剩員子弟親屬
竊緣百姓子弟非土著人其所從來不能盡知雜行會
間亦慮不實恐姦惡之人竄名其間乞自今不許招收
百姓從之 大觀三年六月十四日詔京城舊門并皇
城司外承傳御封文字親從親事官長官可並罷只依
舊法 政和五年十一月十日詔皇城司親從每遇大
禮及行幸出郊并在內諸門地分令闕人守把止差親
事官充代案役可創置親從第五指揮以七百人為額
仍以五尺九寸一分六厘為等候來年八月等揀招填
數足其將校十節級曹司營門子等并應合行事件並
比親從第四指揮及見行條貫施行 六年三月三日

皇城司奏臣僚將帶人從依格各有定數其輒帶外借
人力除宗室已立法外在內供職臣僚亦合一體禁止
今後應臣僚輒帶僭請或僱雇人力入宮門罪賞並依
宗室法將帶過數止坐本官若兼領外局所破人從非
隨本官輒入者自依欄入法從之十一月十九日詔喜
王楷差提舉皇城司整肅隨駕禁衛所兼提舉內東門
崇政殿等門 七年正月十八日詔皇城司創置五指
揮并班直及親事增添入額招刺二千五百餘人應副
宿衛守門等差役備見官吏用心可依下項推恩內人
吏減年候出職日收使願換支賜者特許將一年比換
提舉官嘉王楷降詔獎諭勾當官二員各轉一官內中

亮大夫已上回授未至中亮大夫與轉行承受二員各減二年磨勘勾押官等共二十七人各減三年磨勘到司未及一年減二年磨勘宣和二年六月五日詔皇司點校文字法司使臣見破太官局第四等喫食可罷見有官司攀援及帶請去處亦行止罷應人吏并有官充吏職人破太官食除元豐格法設載外餘罷欽宗靖康元年三月十九日內降劄子應入皇城門之人依法服本色近來多有輒衣便服及不裹頭帽入出今後如有違犯之人許守門等地分合干人收領送所屬科杖一百罪諸官司每季具知委聞奏仍報皇城司檢察詔依每名立賞錢五十貫高宗建炎二年四月九日

詔皇城司親事官等日前應逃亡之人或輒投他處及影占私役許指揮到日限一年所在州縣出首特與免罪不理過名吏破請給押送皇城司依舊職名收管限內不首依先降依軍法從事容蔽及影占私役官員亦科違制之罪人吏決配二千里 四年五月二十八日詔御前中軍差赴禁衛所充親兵祇應共三百四十八人並特令改刺充皇城司親從五指揮收管如內有不
及等三路人亦令改刺 紹興元年二月三日詔行宮禁衛所改為行在皇城司稱呼從幹辦皇城司馮益等清也五月六日提舉皇城司詞乞將皇城周迴山坡并皇城脚下係屬皇城界至分明置牌標識設置笏椿青素

令中軍禁止不得牧放羊馬并令人過樁索詔犯人從杖一百科罪羊馬過樁索牧放人依此 二年正月二十五日皇城司言本司掌給行在應奉人等及臣僚下從人教入皇城宮殿門三色牌子照驗入出近緣紹興府遺火燒毀去失今來所造勅號欲乞使本司二印仍角印上用紹興壬子新號六字小印子辨驗如日後印大字號暗淡許齋執保明移文赴司納換勅入禁衛黃綾八角號三千道勅入殿門黃絹號一千道勂入宮門黃絹圓號八十道勂入皇城門黃絹長號三千道並從之五月二十二日皇城司言乞依自来條例諸寮坐局所等處應差占親事官已轉至副都頭以上之人除御

前祇應并海巡依舊差占人員外餘並行拘攔赴司應
副差使其闕依優重別行差填免致在外虛破人員請
給如諸處執占不即發遣亦乞立法科罪詔並依如輒
敢占留以違制論十二月十二日詔行宮皇城週迴各
徑直空留三大皇城門外各空留五丈外許見存人居
住並須防謹火禁如有違漏之家依開封府城法斷罪
三年正月二十六日皇城司言乞造勅入殿門黃絹
圓號一千道勅入宮門緋紅絹方號八千道勂入皇城
門緋紅絹圓號三千道從之十一月二十一日詔皇城
司係專掌一管禁度出入祖宗法不隸臺察已降指揮
更不施行自今後臣僚不得亂有陳請更改祖宗法度

如違重行黜責先是殿中侍御史常同乞皇城司隸臺
察已從其請至是遂不行 五年十月十九日皇城司
言今省記下條開封府重定在京編勅一皇城内不係
存留燈火之處輒存留者徒二年因而遺漏者當行處
斬本處當番監官干係專副巡防人員兵級并同房宿
人知而不禁及至遺漏者與同罪不知者各減三等即
雖下番知而不禁者亦減當番罪一等不知者不坐雖
非地分皆聽糾舉知而不糾者亦行嚴斷其本處當番
監官干繫專副巡防人員兵級并同房宿人顯然違慢
不切防戒致遺漏者雖不知存畏因依亦與犯人同罪
以上並不分首從一皇城内應係合留燈火之處並須

嚴切防戒或有遺漏本犯當行處斬其本處監官干繫
專副巡防人員兵級并同房宿人顯然違慢不切防戒
致遺漏者雖不知存畏因依亦與犯人同罪以上並不
分首從一皇城內應係合留燈火之處並須嚴切防戒
或有遺漏本犯當行處斬其本處監官干繫專副巡防
人員兵級上番者亦當極斷內有顯然違慢不切防戒
致遺漏者與犯人同罪以上並不分首從從之 九年
正月五日照應親從親事官宿衛親兵逃走為有專一
斷罪不許收留條法致不敢出首者限百日首身免罪
依舊收管限滿不首復罪如初 十八年二月十六日
詔今後如有將帶勒就逃亡之人不曾施用見在而首

身者與於本罪上減一等斷罪餘依見行條法 二十

年六月十三日詔御前支降錢一十五萬貫令兩浙運

司限一季脩蓋皇城司寨屋三千間務要如法不得科

敷搔擾 二十七年十月二十七日皇城司言幹辦本

司公事劉伉三年任滿無過詔特與轉遙郡刺史請給

等全支本色今後准此 三十一年八月四日詔大禮

及日常給黃色緋色勅號許人禁衛皇城諸門應官司

輒以黃緋色為號者罪賞依偽造大禮勅號法施行

孝宗紹興三十二年即位未改元六月十一日詔德壽宮諸

門令依皇城門及宮門法仍依行宮大內置巡警守衛

一次務令如法可疾速措置八月八日詔將來大慶殿

發冊實日麗正門和寧門并南北宮門及合經由門戶
並比常日早二刻開以恭上太上皇帝太上皇后尊號
故也九月十七日詔皇城司皇子鄧王慶王恭王上下
馬處並依宰執例十一月二十九日詔張燾朝謁許來
轎出入皇城門至宮門內上下馬處其許見十二月十
一日詔觀察使劉允升幹辦皇城司任滿嘗轉一官許
回授今後准此以給事中金安節言允升今年四月二
日以推塚子賞轉正任觀察使未及一年又轉承宣使
況皇城司任滿自有常法望賜寢罷故有是命 隆興
元年四月七日詔楊存中應上下馬處令依宰臣親王
二年十一月十日詔參知政事周葵為陸馬所傷免

乘騎權令乘轎入內趨赴朝參閏十二月三日詔尚書

左僕射陳康伯權令乘肩輿入出皇城門至殿門外詳

見儀門七年四月一日皇城司言先降指揮諸官司諸色

人入出皇城門依法合服本色裏頭帽入出如違杖一

百賞錢五十貫近有諸官司吏人輒衣紫生紗衫并手

執衫畫扇子等入出欲行下諸門地分今後如有犯人

牒送所屬斷罪追賞從之八月二十四日皇城司言本

司幹辦官依舊法滿三年無過犯保明奏聞降付樞密

推賞毋再任及三年無遺闕者同即是每任皆許推賞

兼依先降聖旨曾經本司幹辦任滿人取旨陞擢差除

今後依此詔兩任滿與推一次任滿賞以臣僚有請故

有是命 淳熙二年正月二十九日詔皇城司幹辦官
依舊堂除八月二日詔皇城司德壽宮後苑實占親事
官等將已厯過後苑五年合得轉資恩賞自今更不改
轉別該轉資內有合折補資級之人並特與免折補

三年七月十五日皇城司言將來大禮預行互等親從
親事官近上指揮教填關額乞將親事官第四第五指
揮等中親從指揮人不候保引子弟並令先次過磨廳
副差使候保引了日依法揀選崇政殿及應親事官取
年二十五歲以下插一指板二十歲以下插兩指板等
親從指揮如有避等揀逃亡之人候出首日欲依紹興
二十八年九月己降指揮依舊令等揀合入軍分從之

十一月二十八日詔今後皇城司官如服穿衣束帶並令著黑靴六年十月十日詔皇城司皇子魏王府可特添差皂院子二人充借差實占祇應理年轉資等並依在府祇應人前後已得指揮施行遇闕指名差填十一年十二月十六日右正言蔣繼周言臣聞天子之居尊嚴邃密唯群臣之進見四方之朝覲乃得出入是故門著籍禁闌入有罪所以謹防閑絕窺伺也僧尼道士女冠之屬除為民祈謝有故事入內道場外其餘小小齋醮不繫大體者可只就寺觀不許輒入以示官禁嚴密內言不出外言不入防微杜漸莫大於此乞敕皇城司應僧尼道士女冠等人雖有特降聖旨須候奏審方

許出入庶於法禁不至有違從之 十二年二月二十
六日詔皇城司守闕入內院子見闕長行一百三十五
人令殿前司步軍司可依淳熙四年例於馬軍司見管
不入隊年五十歲以上至六十歲十將以下至長行取
揀一次內有職名人比換皇城司職名安排 十三年
十二月九日詔皇城司減正貼一人親從親事官等曹
司減八人翰林司二人以司農少卿吳燠議減冗食下
敕令所裁定故有是命 紹熙五年三月一日詔皇城
司守闕入內院子見闕長行一百二十八人令殿前馬
步軍司可依淳熙十二年例於馬軍司見管不入隊年
五十歲以上至六十歲十將以下至長行取揀一次內

有職名人比換皇城司職名安排 慶元四年八月二十七日皇城司言刑部措置今後勅號以千字文為號將勅號簿各書鑒字號仍各縫印計定數目呈長官簽押不得指留多印本司契勘過年印造勅號并給散收換拘籍數目及關防辨驗檢察并禁止借借及偽造目有立定條格指揮約束罪罪賞非不嚴備緣有不畏公法之人將請到勅號借賃與人緣此偽造之弊亦係本司緝獲並已斷罪了當刑部申請前項措置今未將欲製造來年丁巳敕號緣其間委有未便事件合將前項措置事理逐一參照本司見行格法體例重條具到下項一照得每歲給換禁衛殿門官門皇城門四色勅號

歲計約用三萬餘道各有大簿分內外官司立定門目
依格法拘籍合破勅號數目遇有約換據憑諸百官司
并百官廳分應合破號去處申到案役姓名繳納舊號
保明換請新號本司專副合千人先次辨驗舊號印文
對簿批鑒交收然後照合破數目元請人姓名委無差
錯重疊先行書勘職級并點檢文字次又發押官當官
毀抹舊號開匣支給新號如有額外創支雖有承降指
揮本司又行奏審訖方始支給要是關防嚴緊今若以
千字文為號又用合縫印竊緣所造勅號已有立定大
小樣制依例先用墨印勅入某處大字又於大字之下
印慶元某歲新號大小字作兩行於上又用本司二紅

印且以今年丙辰宮門論之其號長四寸八分闊三寸四分中門上下二印其印文每一印目方一寸八分兩壁止有八分空處僅可題寫某處官司并帶號人姓名不唯千_字文號難以拘籍三萬餘道勅號若更用合縫印委是印文重疊其守把合千人轉難辨驗檢察委有未便今乞從本司舊例印造施行一契勘本司所造四色勅號以方圓長八角方勝為樣制每歲遞互更易三年週而復始並皆預明具奏進呈訖申中書門下省奏審札付本司製造施行其所造勅號共三萬餘道一月之間方可了辦共三萬餘道至歲首納換僅二萬道將納換訖數目奏聞外其餘數目當官用匣收盛封押起置

赤曆椿管見在充日常諸百官司及百司廳分等遷轉
改差替移等人前來支請專副庫子等抄轉赤歷勘同
職級點檢結押委是關防嚴切今若不得指留多印必
致臨期旋行印造竊恐難以關防轉生姦弊及點得每
歲納換新號本司先印號樣出榜於在內諸門曉示分
明逐門辨驗入出不得空名綴帶如有違犯自有約束
兼有立定舊制歲首止限五日換訖五日之外並要各
帶新號入出易於檢察緣件拘定日限其內外諸百官
司等處每日擁併前來換請官吏專庫合干人等盡日
收換連夜攢類今若從本司填寫非但有妨限日納換
又慮因而差誤不便今乞從本司舊例施行一照得本

司拘收舊號當官點數勾銷毀抹外有歲首換納近年將收到舊號並依資次逐一點數目委無漏落具詣實文狀申司然後差通管巡視管押人員同合干人等赴親從寨教場內再行覆點見數監視燒毀今遵從前項措置候歲首納換見數燒毀內有不到舊號即牒會元請去處根究施行一照得今承措置應合帶勅號出入官某人仰綴帶在胷前衫上不得繫帶在腰間庶幾守衛易於檢察如有違戾並從違制科罪見行備坐出榜曉示并行下逐門守把人常切遵守辨驗覺察施行外緣本司作準紹興二十七年八月十一日聖旨指揮近來入出皇城門應諸色人將合帶勅號並不分明綴帶

多用衣服蓋藏摺疊在懷慮生詐冒仰皇城司常切禁止如有違犯之人具奏取旨施行見行每季檢舉令欲將上項措置仰綴帶在胷前衫上并立到斷罪指揮從本司一就每季檢舉施行一契勘非米應合破勒號去處內有冒利違法之人將請到本身勒號借債與人致有偽造今措置遇有請號之人於請領狀內並仰分明聲說委得給付正身綴帶在胷前衫上照驗入出即無重疊偽冒不敢移見借帶并衣服蓋藏從便摺疊內人從宮門號委的給付係正身綴帶等事如違甘伏條制斷罪追賞施行欲乞令應請換勒號官司遵從上件狀式書寫前來關請官司公文支請亦仰依上件事理分

明聲說保明前來支給庶可關防借債之弊並從之
嘉定二年十一月八日給事中鄒應龍言伏見賈浚明
差兼幹辦皇城司候有闕日差填舊來此職皆是見闕
差人或差待次亦須顯言某人闕乞將浚明兼幹辦皇
城司候有缺日差填供職指揮追竅如閤門官前此降
指揮者併乞更不施行從之二十六日臣僚言皇城一
司總率親從嚴護周廬參錯禁旅權亞殿巖漢以儒生
位執戟唐以勳臣子弟備宿衛可謂重矣古制既難遽
復今隸籍于中者類多市井烏合訓齊不素全藉統攝
得人豈可輕授自今乞專以知閤御帶兼領不以畀資
望輕淺者儻更有躁進之徒僥踰干請雖已頒成命亦

許輔臣執奏給舍繳駁臺諫論列不容冒濫務在必行從之三年五月九日臣僚言皇城司親從等人自來立定員額紹興間不過三千七百三十餘人至嘉泰開禧增至四千八百三十餘人續又增招一千餘人乞將合干親從將校節級等人自轉員之後比照熙元額有無增減若已過數即乞一例住行招填將來不及紹熙之數徐議補剌未晚皆更化急先之務詔親從官闕人權住招剌令皇城司於親事管并溢額人內將甚好人材等揀親從祇應條具申樞密院